



Algemein zake:

De vekansie steit veur de deur of is veur sommige al begos.

Nao de zomer goon veer us weer langzaam veurbereie op de vastelaovend vaan 2026! Mèr iers blikke veer eve trök op wat recent gewees is en kieke ouch veuroet naor wat binnekort steit te gebäöre.

Nui (aspirant) leie:

In de vörrige nuitsbreëf höb geer kinne leze tot un aontal lui höbbe te kinne gegeve tot zie geer deil wèlle oetmake vaan Blamaasj.

Es d'r iemes bezwoer zow höbbe op ut touwtrejje vaan ein vaan de nui lui, daan kos dat aongegeve weure.

Wie verwach, heet niemes bezwoer gemaak!

Dus Dieuwke, Selina en Dominique veer heite uuch vaan harte welkom bij us clubke Blamaasj. Veer zien uuch gere op de rippetiesies en bij aander activiteite versjeine.

Contributie:

Zoe es geer wèt is op de ALV is beslote tot veer vaanaof 2026 de contributie naor € 22,00 p.p. verhuge.

Dees verhuging geldt veur lui vaan 18 jaor en awwer.

Kinder vaan 12 tot 18 jaor betaole mèr € 11,00

Kinder onder 12 jaor mage gans veur niks bij Blamaasj!

Ut contributiejaor löp vaan jannewarie tot december (dus neet mie vaan vastelaovend seizoen tot vastelaovend seizoen).

In decemeber kreig geer vaan uzze habsjaar ut verzeuk um de contributie euver te make.



Blamaasj BBQ 2025:

28 juni j.l. höbbe veer uzze jaorlikse BBQ gehawwe in dn hoof vaan Aranka en Ruud. Veer mage stèlle tot de (drök bezochte) Mexicaanse BBQ een groet succes waar! Neve ut nudige beer, wien en fris zien dr ouch un paar flesse Tequila en Schrobbeleer gesneuveld 😊 Sommige leie koste nao aofloup daan ouch bijnao vloeiend mexicaans spreke!

Aranka en Ruud nogmaals bedaank veur ut faciliteren en de ganse BBQ kemmissie bedaank veur de organisatie!!





Blamaasj middag matinee 2025:

De Blamaasj middag matinee kemmissie heet inmiddels wèl vergadert. Zie höbbe unne pol roond-gesjik veur zondag 28 september a.s. Wat precies de bedoeling is hawwe ze nog eve geheim. Mie info volg nao de vekansie. Opgeve kin nog steeds!

Nuits vaan de meziek-kemmissie:

Ouch dit jaor heet de meziek-kemmissie weer gèt origineels bedach.

Vaan eder lid weurt verwach tot heer / zie unne foto maak boebij dudelik te zien is dat Blamaasj oonderweeg is. Dit kin op vakantie mèr netuurlik kin dat ouch gewoen in Mestreech en omgeving zien. Bedink gèt origineels en maak unne sjiecke foto en sjik dee veur 1 september door mèt whatapp naor Mandy.

De leukste, sjieckste, origineelste foto's weure op ein of aander meneer beloent. Mèt wat is nog strik geheim!!

D'r zien al lui die ind juni unne foto höbbe gedeild. Iemes heet zelf de meujte genome um znne sjabbeleer op te laote sjikke um unne foto d'r van te make in zien nui woen-plaots op ein of aander sjoen werm eiland.





RIPPETITIESHEMA

SEZOEN '25-'26

CAFE FORUM

Zoondag	14 september	14.00 oor
Vriedag	10 oktober	19.30 oor
Zoondag	16 november	14.00 oor
Vriedag	12 december	19.30 oor
Zoondag	4 januari	14.00 oor
Zoondag	1 fibberwarie	14.00 oor

**Op zondag 4 jannewarie hawwe veer ouch us
nuijaorsreceptie incl. Aajd Mestreechs Bitterballe Treffen**

Rès us nog um ederein unne hiele fijne vekansie te winse.

**Rös good oet zoetot ederein in september volle gaas aon de rippetiesies kint
deilneumme!!**

***Naomes ut bestuur vaan Blamaasj,
De kretser(s)***

